



Broj: 01-50-2-764/24
Sarajevo, 01.04.2024. godine

PARLAMENTARNA SKUPŠTINA BOSNE I HERCEGOVINE
Trg Bosne i Hercegovine 1
71 000 Sarajevo

INSTITUCIJA OMBUDSMENA ZA LJUDSKA PRAVA BOSNE I HERCEGOVINE
Akademika Jovana Surutke 13
78 000 Banja Luka

PREDMET: Statistički podaci o postupanju po zahtjevima za slobodu pristupa informacijama za period januar-mart 2024. godine, dostavljaju se

Postupajući po članu 20. stav (1) tačka c) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13, u daljnjem tekstu: Zakon) kojim je propisano da je svaki javni organ u Bosni i Hercegovini u obavezi objavljivati i dostavljati statističke podatke Parlamentarnoj skupštini Bosne i Hercegovine i Instituciji ombudsmena za ljudska prava Bosne i Hercegovine, po tromjesečnom prikazu, koji se odnose ali nisu ograničeni na broj primljenih zahtjeva, vrstu traženih informacija, utvrđene izuzetke, kao i odluke koje se donesu u toku postupka te konačne odluke, dostavljamo tromjesečne statističke podatke o postupanju Ministarstva komunikacija i prometa Bosne i Hercegovine (u daljnjem tekstu: Ministarstvo) po zahtjevima za slobodu pristupa informacijama, kako slijedi:

Ministarstvo je u periodu od januara do marta 2024. godine zaprimilo ukupno četiri zahtjeva za slobodu pristupa informacijama.

Rješavajući po zaprimljenim zahtjevima za slobodu pristupa informacijama, proveden je postupak u skladu sa Zakonom i doneseni su sljedeći akti:

1. Rješenje, broj: UP1: 01-50-2-920-3/24 od 7. 3. 2024. godine, kojim je uvažen zahtjev za slobodu pristupa informacijama. Zahtjevom od 19. 2. 2023. godine za slobodu pristupa informacijama odnosno dostava kopija sljedeće dokumentacije: - dozvola/dopusnica/licenca za „Kantić Line“ d. o. o. Tešanj na međunarodnim autobuskim linijama od 2020. godine do podnošenja zahtjeva a koje u redu vožnje imaju predviđeno zaustavljanje na autobuskoj stanici u Zenici; - red vožnje, cjenovnik te intinerer predmetne međunarodne autobusne linije.

2. Rješenje, broj: UP1:01-50-2-1354-1/24 od 25. 3. 2024. godine, kojim je uvažen zahtjev za slobodu pristupa informacijama. Zahtjevom od 12. 3. 2024. godine za slobodu pristupa informacijama zatražena je dostava informacije u vezi sa *izdavanjem vozačke dozvole, odnosno uzimanjem otisaka prstiju.*

3. Rješenje, broj: UP1:01-50-2-1355-1/24 od 21. 3. 2024. godine, kojim je uvažen zahtjev za slobodu pristupa informacijama. Zahtjevom od 12. 3. 2024. godine za slobodu pristupa informacijama zatražen je pristup sljedećim informacijama: *1. Molimo da navedete broj državnih službenika koji su učestvovali na obukama/radionicama o unapređenju digitalne pismenosti u cilju efikasnijeg obavljanja službenih poslova i usluga građanima u 2023. godini, te datum, naziv i organizatora obuke/radionice. 2. Koliko je e-usluga vaša institucija pružila građanima i biznisima u 2023. godini? a. Molimo vas da ih navedete sa linkovima koji vode do svakog od njih. b. Navedite koje je od ovih e-usluga vaša institucija počela pružati 2023. godine. 3. Koliko građana i privrednika je u 2023. godini koristilo e-usluge koje pruža vaša institucija? a. Navedite ih po e-usluzi. b. Molimo vas da nam dostavite brojke za svaku uslugu pojedinačno.*

4. Rješenje, broj: UP1:01-50-2-1523-3/24 od 3. 4. 2024. godine, kojim je uvažen zahtjev za slobodu pristupa informacijama. Zahtjevom od 25. 3. 2024. godine za slobodu pristupa informacijama zatraženo je dostavljanje sljedećih podataka za prijevoznika BIG SIM d.o.o. Kalesija, i to kako slijedi: *- podatke o svim izdatim odobranjima-dozvolama za obavljanje usluga prevoza putnika za dio linije preko Bosne i Hercegovine sa podacima upisanih autobusnih stanica u Bosni i Hercegovini; - brojevima linija, broj oznake registra, serijski broj dozvole na relacijama na kojim je imao odobrenje za vršenje usluga prevoza putnika; - vrijeme kada su iste izdate i rokove trajanja tj. do kada iste važe, a sve za vremenski period počev od dana 20. 10. 2020. godine do 20. 10. 2023. godine, kao i podatke o svemu gore navedenom a koji su važili na dan 20. 10. 2020. godine. Također molimo da nam ukoliko ste u mogućnosti dostavite fotokopije izdatih dozvola za BIG SIM d.o.o. Kalesija.*

Ministarstvo je slobodu pristupa informacijama omogućavalo u onoj formi koju je podnositelj zahtjeva tražio (dostavljanjem fotokopija traženih dokumenata u skladu sa Odlukom Vijeća ministara Bosne i Hercegovine o troškovima umnožavanja traženih informacija u skladu sa Zakonom o slobodi pristupa informacijama u Bosni i Hercegovini).

Na navedena rješenja Ministarstva nije bilo izjavljenih žalbi, niti je bilo obraćanja Instituciji ombudsmena za ljudska prava Bosne i Hercegovine.



MINISTAR

Edin Forto

Dostavljeno:

- Naslovu;
- 02;
- a/a.